

**Ministerie van Infrastructuur
en Waterstaat**

> Retouradres Postbus 20901 2500 EX Den Haag

Presidente di Tweede Kamer
der Staten-Generaal
Binnenhof 4
2513 AA DEN HAAG

**Ministerie van
Infrastructuur en
Waterstaat**

Rijnstraat 8
2515 XP Den Haag
Postbus 20901
2500 EX Den Haag
T 070-456 0000
F 070-456 1111

Ons kenmerk
IenW/BSK-2018/73300

Fecha 6 di aprel 2018

Konserniendo: InselAir International i anulashon prohibishon pa bula pa
ámtienarnan di gobièrnu hulandes

Apresiabel presidente,

Pa medio di esaki, na nòmber tambe di e sekretario di estado pa Asuntunan Interno i Relashon di Reino (BZK), mi kier pone bo na altura tokante resertifikashon di kompania di aviashon InselAir International di parti di Civil Aviation Authority (CCAA) kurasoleño i mi desishon tokante e prohibishon instituí na febrüari 2017pa ámtienarnan di gobièrnu hulandes pa bula ku InselAir International.

Riba 3 di febrüari 2017¹ sekretario di estado di IenM di e tempu ei i minister di BZK di e tempu ei a informá Tweede Kamer tokante preokupashonnan ku tabata biba den gabinete tokante kondishon di siguridat di e kompania di aviashon InselAir International. Gabinete e tempu ei como prekoushon a disidí pa loke ta trata biahenan di trabou pa no laga ámtienarnan di gobièrnu hulandes bula mas ku e kompania di aviashon InselAir International i pa anunsiá e informashon akí ampliamente, pa asina duna otro biaheronan tambe un siñal kla i duna nan oportunidat pa hasi nan propio evaluashon.

Riba 21 di febrüari 2017² a informá bo mas detayá basá riba un investigashon di parti di ILT ku a tuma lugá lokalmente. A resultá ku CCAA tabata karesé di un garantia legal, independensia, personal kualifiká, struktura i guia. A base di eseí a palabrá ku minister Camelia-Römer di Tráfiko, Transporte i Planifikashon Urbano ku ILT lo a bai duna asistensia na CCAA pa supervisá InselAir International. Den e karta akí a indiká ku e prohibishon pa biaha ta keda na vigor te ora ku ILT duna e señal ku seguridat di buelo ta garantísá.

Den e karta di 14 di sèptèmber 2017³ di sekretario di estado di IenM bo a ser poné na altura ku e outoridat di aviashon kurasoleño i ILT a firma dos

¹ Kamerstuk 24 804, nr. 93

² Kamerstuk 24 804, nr. 94

³ Kamerstuk 31 936, nr. 396

protokòl di kooperashon: un protokòl ta dirigí riba sosten di parti di ILT den supervishon riba InselAir International di parti di CCAA, e otro protokòl tabata trata di e kooperashon dirigí riba terminashon di e prohibishon pa bula institú di parti di gobièrnu hulandes. ILT a sostené i konsehá CCAA a base di e protokolnan di kooperashon ku akordá.

ILT a sostené i konsehá CCAA den asuntu di resertifikashon di InselAir International. Na yanüari 2018 un tim di CCAA a ehekutá un inspekshon administrativo na Hulanda i na febrüari 2018 un tim di inspektor di ILT a hasi un bishitá lokalmente. Konklushonnan di ILT ta ku:

- E kooperashon entre ILT i CCAA tokante resertifikashon di InselAir International a kana positivo;
- CCAA a kompartí di un bon forma e eksperensianan ku InselAir International, a atendé nan bon i ku ta implementá e medidanan pa mehorashon;
- A palabrá ku management di InselAir International ku e kontrol mas estriktó di parti di CCAA, ku a ser institú na 2017, lo kontinuá den e periodo benidero i ku CCAA lo monitòr e proeso di solushonnan ku hopi atenshon i ku lo pidi feedback di ILT. Kada dos siman CCAA ta tene konsulta ku e staf tékniko di InselAir International pa monitòr e progreso;
- Komo konsekuensia di e desaroyo- i palabraphonnan akí e konfiansa di ILT den funshonamentu di un supervishon efektivo i independiente di parti di CCAA a keda restablesé.

Sigui ku e trámitenan pa krea e base legal pa CCAA na Kòrsou ta parti di e lei di aviashon nobo na Kòrsou, den esaki lo inklui diferente asuntu, manera un quadro pa un organisashon konforme eksigensianan internashonal. Kòrsou ta atendé esaki ku seriedat, i aljun luna pasá a kuminsá ku un trayekto di destaho pa haña kapasidat èkstra. A kaba di klousurá e destaho akí, di manera ku pronto ta bai start e trayekto di legislashon. Den periodo ku a transkurí CCAA a haña tambe mandato i e kompetensianan rekerí.

Na febrüari 2018 ILT a duna sosten tambe (riba petishon) na CCAA den asuntu di ouditoria pa resertifikashon di InselAir International. E ouditoria di parti di CCAA a demonstrá ku seguridat di buelo tabata na òrdú na e momentunan ei. Ta keda na CCAA pa finalisá e trayekto kompleto di resertifikashon den kua ILT tin un papel konsultativo.

**Ministerie van
Infrastructuur en
Waterstaat**

Ons kenmerk
IenW/BSK-2018/73300

Teniendo na kuenta loke tin pará mas ariba, i e echo ku e konfiansa di ILT den ekspertisio i independensia di CCAA a keda restablesé, e motibu prinsipal pa e prohibishon di buelo imponé e tempu aya ta kai afó i no tin motibu pa ILT konsehá pa siguí mantené esaki. E echo ku awor ILT ta ekspresá su konfiansa den CCAA ta nifiká pues ku si presentá problemanan tékniko, ILT ta konfia ku CCAA ta aktua adekuado i ku di e forma ei e sistema di siguridat ta funshoná bon.

A base di e konklushonnan di ILT mi a disidí pa kita e prohibishon pa bula pa ámttenarnan di gobièrnu hulandes ku InselAir International.

Atentamente,

MINISTER DI INFRASTRUKTURA I WATERSTAAT,

drs. C. van Nieuwenhuizen Wijbenga